

全三國文卷十一

烏程嚴可均校輯

魏十一

廢帝

帝諱芳字蘭卿明帝養子或云任城王楷子青龍三年封齊王  
景初三年正月即位改元二正始嘉平在位十六年為司馬師  
所廢晉受禪封邵陵縣公泰始十年薨諡曰厲公

即位詔

景初三年正月

朕曰眇身繼承鴻業熒熒在疚靡所控告大將軍太尉奉受末命  
夾輔朕躬司徒司空冢宰元輔總率百僚曰靈社稷其與羣卿大  
夫勉勸乃心稱朕意焉魏志齊王芳紀案齊王芳紀二月有曰  
所作今編  
入孫資文

復用夏正詔

烈祖明皇帝、己正月棄背、天下臣子、永爲忌日之哀、其復用夏正、雖違先帝通三統之義、斯亦禮制所由變改也、又夏正于數爲得天正、其己建寅之月、爲正始元年正月、己建丑月、爲後十二月、

魏志齊王芳紀又見冊府元龜四

省奏事、五內斷絕、奈何奈何、烈祖明帝、己正日棄天下、每與皇太

后念此日、至心有剝裂、不可己、此日朝羣辟、受慶賀也、月二日會

又非故也、聽當還夏正月、雖違先帝通三統之義、斯亦子孫哀慘

永懷、又夏正朔得天數者、其己建寅之月、爲歲首、宋書禮志一

略不同當兩載之

出黃金銀物供軍用詔 正始元年七月

易稱損上益下、節己制度、不傷財、不害民、方今百姓不足、而御府多作金銀雜物、將奚己爲、今出黃金銀物百五十種、千八百餘斤、

銷治己供軍用、魏志齊王芳紀

尊禮司馬懿詔

正始六年十二月

明日大會羣臣其令太傅乘輿上殿

魏志齊王芳紀

免官奴婢為良民詔

正始七年八月

屬到市觀見所斥賣宮奴婢年皆七十或癯疾殘病所謂天民之窮者也且官曰其力竭而復鬻之進退無謂其悉遣為良民若有不能自存者郡縣振給之

魏志齊王芳紀

申敕治道詔

正始七年八月

吾乃當目十九日親祠而昨出已見治道得雨當復更治徒棄功夫每念百姓力少役多夙夜存心道路但當期于通利聞乃搥捶老小務崇修飾疲困流離曰至哀歎吾豈安乘此而行致馨德于宗廟取自今已後明申敕之

魏志齊王芳紀

衛臻乞遜位詔

正始九年三月甲午

昔干木偃息義歷疆秦留侯頤神不忘楚事讜言嘉謀望不吝焉



賜宅一區位特進秩如三司

魏志衛臻傳

受胡金曰狀聞襄田豫詔

正始明

昔魏絳開懷曰納戎今卿舉袖曰受狄金朕甚嘉焉

魏志田豫傳注引魏略

賜孫資詔

正始九年

君掌機密三十餘年經營庶事勳著前朝暨朕統位勳賴良謀是

曰曩者增崇寵章同之三事外帥羣官內望讜言屬曰年耆疾篤

上還印綬前後鄭重辭旨懇切天地曰大順成德君子曰善恕成

仁重曰職事違奪君志今聽所執賜錢百萬使兼光祿勳少府親

策詔君養疾于第君其勉進醫藥頤神和氣曰永無疆之祚置舍

人官驕加曰日秩肴酒之膳焉

魏志劉放傳注引資別傳

賜徐邈等家穀錢詔

嘉平元年

夫顯賢表德聖王所重舉善而教仲尼所美故司空徐邈征東將

軍胡質衛尉田豫皆服職前朝歷事四世出統戎馬入贊庶政忠

清在公愛國忘私不營產業身沒之後家無餘財朕甚嘉之其賜  
邈等家穀二千斛錢三十萬布告天下魏志徐邈傳

褒封郭淮詔嘉平二年

昔漢川之役幾至傾覆淮臨危濟難功書王府在關右三十餘年  
外征寇虜內綏民夷比歲日來摧破廖化禽虜旬安功績顯著朕  
甚嘉之今日准為車騎將軍儀同三司持節都督如故進封陽曲  
侯邑凡二千七百八十戶分三百戶封一子亭侯魏志郭淮傳

追褒郭修詔嘉平五年八月

故中郎西平郭修砥節厲行秉心不回乃者蜀將軍姜維寇鈔修  
郡為所執略往歲偽大將軍費禕驅率羣眾陰圖闕闕道經漢壽  
請會眾賓修于廣坐之中手刃擊禕勇過聶政功逾介子可謂殺  
身成仁釋生取義者矣夫追加褒寵所日表揚忠義祚及後胤所  
日獎勵將來其追封脩為長樂鄉侯食邑千戶諡曰威侯子襲爵

加拜奉車都尉賜銀千緡絹千匹目光寵存亡永垂來世焉

魏志齊王

紀芳

追賜劉整鄭像爵關中侯詔

嘉平六年二月

夫顯爵所已褒元功重賞所已寵烈士整像召募通使越蹈重圍  
冒突白刃輕身守信不幸見獲抗節彌厲揚六軍之大勢安城守  
之懼心臨難不顧畢志傳命昔解楊執楚有隕無貳齊路中大夫  
已死成命方之整像所不能加今追賜整像爵關中侯各除士名

使子襲爵如部曲將死事科

魏志齊王芳紀

原李韜三子詔

嘉平六年二月

齊長公主先帝遺愛原其三子死命

魏志夏侯玄傳

增司馬師邑詔

嘉平六年二月

奸臣李豐等僭譖庸回陰構凶慝大將軍糾虔天刑致之誅辟周  
勃之克呂氏霍光之擒上官曷曰過之其增邑九千戶并前四萬



璽書切責楚王彪

嘉平元年

夫先王行賞不遺仇讐用戮不違親戚至公之義也故周公流涕而決二叔之罪孝武傷懷而斷昭平之獄古今常典也惟王國之至親作藩于外不能祇奉王度表率宗室而謀于奸邪乃與太尉王凌兖州刺史合狐愚構通逆謀圖危社稷有悖忒之心無忠孝之意宗廟有靈王其何面目已見先帝朕深痛王自陷罪辜既得王情深用憮然有司奏王當就大理朕惟公族甸師之義不忍肆王市朝故遣使者賜書王自作孽匪由于他燕刺之事宜足已觀王其自圖之

魏志楚王彪傳注  
引孔衍漢魏春秋

高貴鄉公

公諱髦字彥士文帝孫東海王霖子正始五年封鄴縣高貴鄉公嘉平六年十月卽位改元二正元甘露在位六年爲司馬昭

所弒有集四卷

傷魂賦 并序

王師東征、宗正曹竝、曰宗室材能兼侍中從行、到項得疾、數日亡、意甚傷之、為作此賦、

宗臣充于常伯、體材藝而中良、何旻天之不怙、遘暴疾而隕亡、惟

厥疾之初發、若常疾之輕微、未經日而沈篤、氣憊憊而耗衰、岐鶻

騁技而弗救、豈藥石之能追、精魂忽已消散、神眇眇而長違、藝文類聚

三十

改元大赦詔

制詔、昔三祖神武聖德、應天受祚、齊王嗣位、肆行非度、顛覆厥德、

皇太后深惟社稷之重、延納宰輔之謀、用替厥位、集大命于余、一

人、目眇眇之身、託于王公之上、夙夜祇畏、懼不能嗣、守祖宗之大

訓、恢中興之弘業、戰戰兢兢、如臨于谷、今羣公卿士、股肱之輔、四



方征鎮宣力之佐皆積德累功忠勤帝室庶憑先祖失父有德之臣左右小子用保乂皇家俾朕蒙闇垂拱而治蓋聞人君之道德厚侔天地潤澤施四海先之曰慈愛示之曰好惡然後教化行于上兆民聽于下朕雖不德昧于大道思與宇內共臻茲路書不云乎安民則惠黎民懷之其大赦改元減乘輿服御後宮用度及罷尙方御府百工技巧靡麗無益之物

魏志高貴鄉公紀文館詞林六百六十八

曰竒馬師爲相國進號大都督詔

朕聞創業之君必須股肱之臣守文之主亦賴匡佐之輔是故文武曰呂召彰受命之功宣王倚山甫享中興之業大將軍世載明德應期作輔遭天降險帝室多難齊王涖政不迪率典公履義執忠曰靈區夏式是百辟總齊庶事內摧寇虐外靜奸宄日昃憂勤劬勞夙夜德聲光于上下勳烈施于四方深惟大議首建明策權定社稷援立朕躬宗廟獲安億兆慶賴伊摯之保乂殷邦公旦之

綏寧周室，蔑曰尚焉。朕甚嘉之。夫德茂者位尊，庸大者祿厚。古今之通義也。其登位相國，增邑九千，并前四萬戶，進號大都督，假黃鉞，入朝不趨，奏事不名，劍履上殿，賜錢五百萬，帛五千匹。昌元

勲

晉書景帝傳

封楚王彪世子詔

正元元年

故楚王彪背國附妖，身死嗣替，雖自取之，猶哀矜焉。夫含垢藏疾，親親之道也。其封彪世子嘉為常山真定王。

魏志楚王彪傳

令公卿議司馬師喪制詔

二年二月

公有濟世寧國之勳，尅定禍亂之功，重之曰死王事，宜加殊禮。其

令公卿議制

晉書景帝紀

詔卹洮西死事者

正元二年十月

朕曰寡德，不能式遏寇虐，乃令蜀賊陸梁邊陲，洮西之戰，至取負敗，將士死亡，計目千數，或沒命戰場，冤魂不反，或牽掣虜手，流離

異域吾深痛愍為之悼心其令所在郡興農及安撫夷二護軍各部大吏慰卹其門戶無差賦役一年其力戰死事者皆如舊科勿有所漏

魏志高貴鄉公紀

斂埋洮西死事吏民詔

正元二年十一月

往者洮西之戰將吏士民或臨陳戰亡或沈溺洮水骸骨不收棄于原野吾常痛之其告征西將軍安西將軍各令部人于戰處及水次鉤求屍喪收斂藏埋曰慰存亡

魏志高貴鄉公紀

犒賜破蜀將士詔

甘露元年七月

兵未極武醜虜摧破斬首獲生動曰萬計自頃戰克無如此者今遣使者犒賜將士大會臨饗飲食宴終日稱朕意焉

魏志高貴鄉公紀

進封鄧艾詔

甘露元年

逆賊姜維連年狡黠民夷騷動西土不寧艾籌畫有方忠勇奮發斬將十數滅首千計國威震于巴蜀武聲揚于江岷今曰艾為鎮



西將軍都督隴右諸軍事進封鄧侯分五百戶封子忠為亭侯

魏志

鄧艾

傳

旌王簡詔 甘露二年四月

玄菟郡高顯縣吏民反叛長鄭熙為賊所殺民王簡負擔熙喪晨

夜星行遠致本州忠節可嘉其特拜簡為忠義都尉日旌殊行

魏志

高貴鄉

公紀

原和適等作詩稽留詔 甘露二年五月

吾已暗昧愛好文雅廣延詩賦已知得失而乃爾紛紜良用反仄

其原適等主者宜敕自今已後羣臣皆當玩習古義修明經典稱

朕意焉

魏志高貴鄉公紀

臨戎詔

五月丁丑

諸葛誕造為凶亂盪覆揚州昔鯨布逆叛漢祖親戎隗詭違戾光

武西伐及烈祖明皇帝躬征吳蜀皆所已奮揚赫斯震耀威武也

今宜皇太后與朕暫共臨戎速定醜虜時益冬夏

魏志高貴鄉公紀

褒封龐會路蕃詔五月己卯

諸葛誕造構逆亂迫脅忠義平寇將軍臨渭亭侯龐會騎督偏將軍路蕃各將左右斬門突出忠壯勇烈所宜加異其晉會爵鄉侯

蕃封亭侯

魏志高貴鄉公紀

孫壹歸命封吳侯詔甘露二年六月乙巳

吳使持節都督夏口諸軍事鎮軍將軍沙羨侯孫壹賊之枝屬位

為上將畏天知命深鑒禍福翻然舉袂遠歸大國雖微子去殷樂

毅遁燕無旨加之其旨壹為侍中車騎將軍假節交州牧吳侯開

府辟召儀同三司依古侯伯八命之禮袞冕赤舄事從豐厚

魏志高貴

鄉公紀

大將軍與尚書俱行詔六月甲子

今車駕駐項大將軍恭行天罰前臨淮浦昔相國大司馬征討皆

與尚書俱行今宜如舊

魏志高貴鄉公紀

入賈逵祠下詔二年六月甲子

逵沒有遺愛歷世見祀追聞風烈朕甚嘉之昔先帝東征亦幸于此親發德音褒揚逵美徘徊之心益有慨然夫禮賢之義或埽其墳墓或修其門閭所已崇敬也其埽除祠堂有穿漏者補治之

賈逵傳注引魏略甘露二年

贈賜宣隆秦絜詔甘露二年八月

昔燕刺王謀反韓誼等諫而死漢朝顯登其子諸葛誕創造凶亂主簿宣隆部曲督秦絜秉節守義臨事固爭為誕所殺所謂無比干之親而受其戮者其已隆絜子為騎都尉加已贈賜光示遠近

已殊忠義

魏志高貴鄉公紀

改丘頭為武丘詔甘露二年三月

古者克敵收其屍已為京觀所已懲昏逆而章武功也漢孝武元



鼎中改桐鄉為聞喜新鄉為獲嘉白菴南越之亡大將軍親總六  
戎營據丘頭內夷羣外殄寇虜功濟兆民聲振四海克敵之地  
宜有合名其改丘頭為武丘明目武平亂後世不忘亦京觀二邑  
之義也

魏志高貴鄉公紀

王昶增邑遷官詔 三年三月

昔孫臏佐趙直湊大梁西兵驟進亦所已成東征之勢也增邑千  
戶并前四千七百戶遷司空持節都督如故

魏志王昶傳

錄用應余孫倫詔 三年六月

昔南陽郡山賊擾攘欲劫質故太守東里袞功曹應余獨身捍袞  
遂免于難余顛沛殞斃殺身濟君其下司徒署余孫倫吏使蒙仗

節之報

魏志高貴鄉公紀

聽鍾會讓侯詔 甘露三年七月

會典綜軍事參同計策料敵制勝有謀謨之勳而推寵回讓辭指

款實前後累重志不可奪夫成功不處古人所重其聽會所執曰

成其美

魏志鍾會傳

曰王祥鄭小同為三老五更詔

甘露三年八月丙寅

夫養老興教三代所曰樹風化垂不朽也必有三老五更曰崇至敬乞言訥誨著在惇史然後六合承流下觀而化宜妙簡德行曰充其選關內侯王祥履仁秉義雅志清固關內侯鄭小同溫恭孝友帥禮不忒其曰祥為三老小同為五更車駕親率羣司躬行古

禮焉

魏志高貴鄉公紀

顏子論

心不違仁行無貳過用行舍藏與聖合契聽承聖言罔有不喻敘之于易曰彰殊異死則悲慟謂天喪已所曰殷勤至于此者聖人嘉美賢哲之效也設使天假之年後孔子沒焉知其不光明聖道闡揚師業有卓爾之美乎百慮之所得愚者有焉願後之君子詳

覽之焉爾

初學記十七

自敘始生禎祥

昔帝之生或有禎祥蓋所曰彰顯神異也惟予小子支胤末流謬  
爲靈祇之所相祐也豈敢自比于前古聊記錄曰示後世焉其辭  
曰惟正始三年九月辛未朔二十五日乙未直成予生于時也天  
氣清明日月暉光爰有黃氣烟熅于堂照曜室宅其色煌煌相而  
論之曰未者爲土魏之行也厥口直成應嘉名也烟熅之氣神之  
精也無災無害蒙神靈也齊王不中顛覆厥度羣公受予紹繼皇  
祚曰眇眇之身質性頑固未能涉道而遵大路臨深履冰涕泗憂  
懼古人有云懼則不亡伊予小子曷敢怠荒庶不忝辱永奉烝嘗

魏志高貴鄉公  
紀注引帝集



賜進士出身三品銜廣東筆處提刑按察使司按察使兼管驛傳事務雲南王毓藻校刊

全三國文卷十二

烏程嚴可均校輯

魏十二

元帝

帝諱奐字景明本名璜武帝係燕王宇子甘露二年封安定縣常道鄉公五年六月卽位改元二景元咸熙在位六年禪于晉封陳留王大安元年薨諡曰元皇帝

敕議燕王稱臣禮詔

景元元年十一月

古之王者或有所不臣今王將宜依此義表不稱臣乎又當爲報答夫係大宗者降其私親況所繼者重邪若便同之臣妾亦情所未安其皆依禮據典當務盡其宜

魏志陳留王紀通典六十七

伐蜀詔

景元四年五月

制詔蜀叢爾小國土狹民寡而姜維虐用其眾曾無廢志往歲破

敗之後，猶復耕種，沓中刻剝，羸勞役無已，民不堪命。夫兼弱攻昧，武之善經，致人而不致于人，兵家之上略。蜀所恃賴，唯維而已。因其遠離巢窟，用力為易，今使征西將軍鄧艾督帥諸軍，趣甘松沓中，已羅取維，雍州刺史諸葛緒督諸軍，趣武都。文館詞林高樓首尾跋討，若擒維，便當東西竝進，埽滅巴蜀也。魏志陳留王紀文

進鄧艾太尉詔 景元四年十二月

艾曜威奮武，深入虜庭，斬將搴旗，梟其鯨鯢，使僭號之主稽首係頸，歷世遺誅，一朝而平，兵不踰時，戰不終日，雲徹席卷，蕩定巴蜀，雖白起破強楚，韓信克勁趙，吳漢禽子陽，亞夫滅七國，計功論美，不足比勳也。其已艾為太尉，增邑二萬戶，封子二人亭侯，各食邑千戶。魏志鄧艾傳

呂鍾會為司徒詔 景元四年十二月



會所向摧弊前無疆敵緘制羣城罔羅遊逸蜀之豪帥面縛歸命  
謀無遺策舉無廢功凡所降誅動以萬計全勝獨克有征無戰拓  
平西夏方隅清晏其曰會為司徒進封縣侯增邑萬戶封子二人  
亭侯邑各千戶

魏志鍾  
會傳

下詔原鍾峻等

咸熙元年二月

峻等祖父繇三祖之世極位台司佐命立勳饗食廟庭父毓歷職  
內外幹事有績昔楚思子文之治不滅關氏之祀晉錄成宣之忠  
用存趙氏之後曰會邕之罪而絕繇毓之類吾有愍然峻迪兄弟  
特原有官爵者如故惟毅及邕息伏法

魏志鍾  
會傳

襄進夏侯和等不附鍾會詔

咸熙元年八月

前逆臣鍾會構造反亂聚集征行將士劫曰兵威始吐姦謀發言  
桀逆逼脅眾人皆使下議倉卒之際莫不驚懼相國左司馬夏侯  
和騎士曹屬朱撫時使在成都中領軍司馬賈輔郎中羊琇各參

會軍事和琇撫皆抗節不撓拒會凶言臨危不顧詞指正烈輔語  
散將王起說會姦逆凶暴欲盡殺將士又云相國已率三十萬眾  
西行討會欲已稱張形勢感激眾心起出已輔言宣語諸軍遂使  
將士益懷奮勵宜加顯寵已彰忠義其進和輔爵為鄉侯琇輔爵  
關內侯起宣傳輔言告令將士所宜賞異其已起為部曲將魏志

紀王

褒封吳將呂興詔

咸熙元年九月

吳賊政刑暴虐賦斂無極孫休遣使鄧句敕交阯太守鎖送其民  
發已為兵吳將呂興因民心憤怒又承王師平定巴蜀即糾合豪  
傑誅除句等驅逐太守長吏撫和吏民已待國命九真日南郡閩  
興去逆即順亦齊心響應與興協同興移書日南州郡開示大計  
兵臨會澤言禍福遣都尉唐諱等詣進乘縣因南中都督護軍霍  
弋上表自陳又交阯將吏各上表言興創造事業大小承命郡有

山寇入連、諸郡懼其計異、各有攜貳、權時之宜、曰興爲督交阯諸軍事、上大將軍定安縣侯、乞賜褒獎、曰慰邊荒、乃心款誠、彤于辭旨、昔儀父朝魯、春秋所美、寶融歸漢、待曰殊禮、今國威遠震、撫懷六合、方包舉殊裔、混一四表、興首向王化、舉眾稽服、萬里馳義、請吏帥職、宜加寵遇、崇其爵位、既使興等懷忠感悅、遠人聞之、必皆競勸、其曰興爲使持節都督交州諸軍事、南中大將軍、封定安縣侯、得曰便宜從事、先行後上、

魏志陳留王紀

遣徐紹孫或還吳詔

咸熙元年十月

昔聖帝明王、靜亂濟世、保大定功、文武殊塗、勳烈同歸、是故或舞干戚、曰訓不庭、或陳師旅、曰威暴慢、至于愛民、全國康惠、庶類必先脩文教、示之軌儀、不得已然後用兵、此盛德之所同也、往者季漢分崩、九土頓覆、割備孫權、乘間作禍、三祖綏寧、中夏日不暇給、遂使遺寇僭逆、歷世幸賴宗廟威靈、宰輔忠武、爰發四方、拓定庸



蜀役不浹時一征而克自頃江表衰弊政刑荒闕巴漢平定孤危無援交荆陽越靡然向風今交阯僞將呂興已帥三郡萬里歸命武陵邑侯相嚴等糾合五縣請爲臣妾豫章廬陵山民舉眾叛吳呂助北將軍爲號又孫休病死主帥改易國內乖違人各有心僞將施績賊之名臣懷疑自猜深見忌惡眾叛親離莫有固志自古及今未有亡徵若此之甚若六軍震曜南臨江漢吳會之域必扶老攜幼呂迎王師必然之理也然興動大眾猶有勞費宜告喻威德開示仁信使知順附和同之利相國參軍徐紹水曹掾孫彧昔在壽春竝見虜獲紹本僞南陵督才質開壯彧孫權支屬忠良見事其遣紹南還呂或爲副宣揚國命告喻吳人諸所示語皆已事實若其覺悟不損征伐之計蓋廟勝長算自古之道也其呂紹兼散騎常侍加奉車都尉封都亭侯彧兼給事黃門侍郎賜爵關內侯紹等所賜妾及男女家人在此者悉聽自隨呂明國恩不必使

還、曰開廣大信、魏志少

帝紀

曰係階獻致歸晉王詔、咸熙二年五月

相國晉王誕、敷神慮、光彼四海、震耀武功、則威蓋殊荒、流風邁化、則功洽無外、愍卹江表、務存濟育、戢武崇仁、示曰威德、文告所加、承風嚮慕、遣使納獻、曰明委順、方寶纖珍、歡曰效意、而王謙讓之、至一皆簿送、非所曰慰、副初附、從其款願也、孫皓諸所獻致、其皆還送、歸之于王、曰協吉義、魏志陳

晉王紀

### 策命晉公九錫文

朕曰寡德、獲承天序、嗣我祖宗之洪烈、遭家多難、不明于訓、踐者奸逆屢興、方寇內侮、大懼淪喪、四海曰墮、三祖之弘業、惟公經德履哲、明允廣深、迪宣武文、世作保傅、曰輔又皇家、櫛風沐雨、周旋征伐、劬勞王室、二十有餘載、毗翼前人、仍斷大政、克朕不端、維安社稷、暨儉欽之亂、公綏援有眾、分命興師、統紀有方、用緝盜淮浦、其

後巴蜀屢侵西土不靖公奇畫指授制勝千里是日段谷之戰乘  
纍大捷斬將擐旗效首萬計孫峻猾夏致寇徐方戎車首路威靈  
先邁黃鉞未放鯨鯢竄迹孫壹構隙自相疑阻幽鑿遠照奇策洞  
微遠人歸命作藩南夏爰授銳卒畢力戎行暨諸葛誕滔天作逆  
稱兵揚楚欽咨逋罪同惡相濟帥其蠱賊自入壽春憑阻淮山敢  
拒王命公躬擐甲胄翼行天罰玄謀廟筭遵養時晦奇兵震擊而  
朱異摧破神變應機而全琮稽服取亂攻昧而高壩不守兼九伐  
之弘略究五兵之正度用能戰不窮武而大敵殲潰旗不再麾而  
元愆授首收勛吳之雋臣係亡命之逋虜交臂屈膝委命下吏俘  
馘十萬積尸成京雪宗廟之滯恥拯兆庶之艱難埽平區域信威  
吳會遂戢干戈靖我疆土天地鬼神罔不獲乂乃者王室之難變  
起蕭牆賴公之靈弘濟艱險宗廟危而獲安社稷墜而復靈忠格  
皇天功濟六合是用疇咨古訓稽諸典籍命公崇位相國加于羣



后敎士參城封邑管域所曰方軌濟魯翰屏帝室而公遠蹈謙損  
深履冲讓固辭策命至于八九朕重違讓德抑禮勝制曰彰公志  
于今四載上闕在昔建侯之典下違兆庶具瞻之望惟公嚴虔王  
度闡濟大猷敦尙純樸省繇節用務儻勤分九野康乂首叟荷崇  
養之德鰥寡蒙矜卹之施仁風興于中夏流澤布于遐荒是曰東  
夷西戎南蠻北狄狂狡貪悍世爲寇讐者皆感義懷惠款塞內附  
或委命納貢或求置官司九服之外絕域之氓曠世所希至者咸  
浮海來享鼓舞王德前後至者八百七十餘萬以海隅幽裔無思  
不服雖西旅遠貢越裳九譯義無曰踰維翼朕躬下匡萬國思靖  
殊方靈濟八極曰庸蜀未賓蠻荆作猾潛謀獨斷整軍經武簡練  
將帥授曰成策始踐賊境應時摧陷狂狡奔北首尾震潰禽其戎  
帥屠其城邑巴漢震疊江源雲徹地平天成誠在斯舉公有濟六  
合之勳加曰茂德寶總百揆允釐庶政敦五品曰純仁恢六典曰

敷訓而靖恭夙夜勞謙昧旦難尙父之左右文武周公之勤勞王家罔已加焉昔先生選建明德光啟諸侯體國經野方制五等所曰藩翼王畿垂祚百世也故齊魯之封于周爲弘山川土田邦畿七百官司典策制殊羣后慮襄之難桓文曰翼戴之榮猶受錫命之禮咸用光疇大德作範于後惟公功適于前烈而賞闕于舊式百辟於邑人神同恨焉豈可曰公謙沖而久淹弘典哉今曰并州之太原上黨西河樂平新興雁門司州之河東平陽弘農雍州之馮翊凡十郡南至于華北至于陘東至于壺口西踰于河提封之數方七百里皆晉之故壤唐叔受之世作盟主實紀綱諸夏用率舊職爰胙茲土封公爲晉公命使持節兼司徒司隸校尉陔卽授卽綬策書金獸符第一至第五竹使符第一至第十錫茲玄土苴曰白茅建爾國家曰永藩魏室昔在周召蒞曰公侯人作保傅其在近代鄴侯蕭何實曰相國光尹漢朝隨時之制禮亦宜之今進

公位爲相國、加綠緞綬、又加公九錫、其敬聽後命、曰公思弘大猷、  
崇正典禮、儀刑作範、旁訓四方、是用錫公大帑、戎帑各一、玄牡二、  
駟、公道和陰陽、敬授人時、嚮大反本、農地維豐、是用錫公衮冕之  
服、赤舄副馬、公光敷顯德、惠下曰和、敬信思順、庶尹允諧、是用錫  
公軒懸之樂、六佾之舞、公鎮靖宇宙、翼播聲教、海外懷服、荒裔款  
附、殊方馳義、諸夏順軌、是用錫公朱戶、曰居、公簡賢料材、營求俊  
逸、爰升多士、寅彼周行、是用錫公納陛、曰登、公嚴恭寅畏、底平四  
國、式遏寇虐、苛厲不作、是用錫公武賁之士三百人、公明慎用刑、  
簡恤大中、章厥天威、曰糾、不虔、是用錫公鈇鉞各一、公爰整六軍、  
典司征伐、犯命凌正、乃維誅殛、是用錫公彤弓一、彤矢百、旅弓十、  
旅矢千、公饗祀蒸蒸、孝思維則、篤誠之至、通于神明、是用錫公秬  
鬯一卣、珪璜副馬、晉國置官司、曰下、率由舊式、往欽哉、祇服朕命、  
弘敷訓典、光澤庶方、永終爾明德、丕顯余一人之休命、晉書文  
帝紀



策命蜀後主

惟景元五年三月丁亥皇帝臨軒使太常嘉命劉禪爲安樂縣公於戲其進聽朕命蓋統天載物曰咸寧爲大光宅天下曰時雍爲盛故孕育羣生者君人之道也乃順承天者坤元之義也上下交暘然後萬物協和庶類獲乂乃者漢氏失統六合震擾我太祖承運龍興弘濟八極是用應天順民撫有區夏于時乃考因羣傑虎爭九服不靜爭鬪阻遠保據庸蜀遂使西隅殊封方外壅隔自是已來干戈不戢元元之民不得保安其性幾將五紀朕永惟祖考遺志思在綏緝四海率土同軌故爰整六師耀威梁益公恢崇德度深秉大正不憚屈身委質曰愛民全國爲貴降心同慮應機豹變履信思順曰亨左右無疆之休豈不遠歟朕嘉與君公長饗顯祿用考咨前訓開國胙土率遵舊典鈔茲玄牡苴曰白茅永爲魏藩輔往欽哉公其祗服朕命克廣德心曰終乃顯烈食邑萬戶賜

緝萬匹奴婢百人他物稱是子孫為三都尉封侯者五十餘人尙書令樊建侍中張紹光祿大夫譙周秘書令郤正殿中督張通竝封列侯

蜀志後主傳案晉書武帝紀有群晉策是宋整劉良所撰今編入晉文

武宣太后

后琅琊開陽人本倡家武帝于譙納為妾生文帝建安初丁夫  
人死曰為繼室二十四年拜王后二十五年文帝即位尊為王  
太后及受禪尊為皇太后明帝即位尊為太皇太后太和四年  
崩謚曰宣皇后

與楊彪夫人袁氏書

卜頓首貴門不遺賢郎輔位每感驚念情在凝至賢郎盛德熙妙  
有蓋世文才闔門欽敬寶用無已方今騷擾戎馬屢動主簿股肱  
近臣征伐之計事須敬咨官立金鼓之節而聞命違制明公性急  
忿然在外輒行軍法卜姓當時亦所不知聞之心肝塗地驚愕斷

絕悼痛酷楚情自不勝夫人多容即見垂怨故送衣服一籠文絹百匹房子官錦百斤私所乘香車一乘牛一頭誠知微細已達往意望為承納古文苑

文昭甄后

后中山無極人建安初為袁熙妻冀州平文帝納之生明帝黃

初二年賜死明帝即位尊諡曰文昭皇后

奏辭迎詣行在黃初元年

妾聞先代之興所已饗國久長垂祚後嗣無不由后妃焉故必審選其人已與內教今踐阼之初誠宜登進賢淑統理六宮妾自省愚陋不任榮盛之事加已寢疾敢守微志魏志文昭甄后傳注引魏書

文德郭后

后字女王安平廣宗人文帝即王位為夫人及受禪為貴嬪黃

初三年立為皇后明帝即位尊為皇太后青龍三年崩諡曰德



皇后

謝上表 黃初三年

妾無皇英釐降之節，又非姜任思齊之倫，誠不足曰假充女君之

盛位，處中饋之重任。魏志文德郭皇后傳注引魏書

敕外親劉斐

諸親戚嫁娶，自當與鄉里門戶匹敵者，不得因勢強與他方人婚

也。魏志文德郭皇后傳

敕諸家

今世婦女少當配將士，不得因緣取曰為妾也，宜各自慎，無為罰

首。魏志文德郭皇后傳

敕戒郭表孟武等

漢氏椒房之家，少能自全者，皆由驕奢可不慎乎。魏志文德郭皇后傳注引魏書

止孟武厚葬其母。太和四年

自喪亂已來墳墓無不發掘皆由厚葬也首陽陵可已為法

魏志文德

郭皇

明元郭后

后西平人黃初中入宮明帝即位拜為夫人景初三年立為皇后三少主即位皆尊為皇太后稱永寧宮廢立大事及母巨儉鍾會等咸假其命景元四年崩謚曰元皇后

廢帝歸藩詔

皇帝芳春秋已長不親萬機耽淫內寵沈漫女德日延倡優縱其醜詭迎六宮家人畱止內房毀人倫之敘亂男女之節恭孝日虧悖傲滋甚又為羣小所迫將危社稷此二句魏志不可已承天緒奉宗廟使兼太尉高柔奉策用一元大武告于宗廟遣芳歸藩于齊已避皇位魏志齊王芳紀又晉書景帝紀

出示大將軍讓表詔

夫有功不隱周易大義成人之美古賢所尚今聽所執出表示外

曰章公之謙光焉魏志高貴鄉公紀

聽收成濟詔

夫五刑之罪莫大于不孝夫人有子不孝尚告治之此兒豈復成人主邪吾婦人不達大義曰謂濟不得便為大逆也然大將軍志意懇切發言惻愴故聽如所奏當班下遠近使知本末也魏志高貴鄉公紀

議改常道鄉公諱字詔

古者人君之為名字難犯而易諱今常道鄉公諱字甚難避其令

朝臣博議改易列奏魏志高貴鄉公紀

答太常請璽綬令

我見高貴鄉公小時識之明日我自欲曰璽綬手授之魏志齊王芳紀

曰高貴鄉公嗣位令



東海王霖高祖文皇帝之子霖之諸子與國至親高貴鄉公髦有

大成之量其曰爲明皇帝嗣

魏志齊王芳紀

追貶高貴鄉公令

吾曰不德遭家不造昔援立東海王子髦曰爲明帝嗣見其好書  
疏文章冀可成濟而情性暴戾日月滋甚吾數呵責遂更忿恚造  
作醜逆不道之言曰誣謗吾遂隔絕兩宮其所言道不可忍聽非  
天地所覆載吾卽密有令語大將軍不可曰奉宗廟恐顛覆社稷  
死無面目曰見先帝大將軍曰其尙幼謂當改心爲善殷勤執據  
而此兒忿戾所行益甚舉弩遙射吾宮祝當令中吾項箭親墮吾  
前吾語大將軍不可不廢之前後數次此兒具聞自知罪重便圖  
爲弒逆賂遺吾左右人令因吾服藥密行酖毒重相設計事已覺  
露直欲因際會舉兵入西宮殺吾出取大將軍呼侍中王沈散騎  
常侍王業尙書王經出懷中黃素詔示之言今日便當施行吾之

危殆過于累卵。吾老寡豈復多情餘命邪。但傷先帝遺意不遂。社稷顛覆爲痛耳。賴宗廟之靈。沈業卽馳語大將軍。得先嚴警。而此兒便將左右出雲龍門。雷戰鼓。躬自拔刃。與左右雜衛。共入兵陳。開爲前鋒所害。此兒旣行。悖逆不道。而又自陷大禍。重令吾悼心。不可言。昔漢昌邑王。呂罪廢爲庶人。此兒亦宜呂民禮葬之。當令內外咸知此兒所行。又尙書王經。囚逆無狀。其收經及家屬。皆請廷尉。魏志高貴鄉公紀







涼

蘇文類聚五北堂書鈔一百五十六初學記三御覽三十四

壯皇居之瑰瑋兮步八紘而為宇節四運之常氣兮踰太素之儀

矩御覽

秋思賦

四節更王兮秋氣悲遙思恟恍兮若有遺原野蕭條兮烟無依雲

高氣靜兮露凝衣野草變色兮莖葉希鳴蜩抱木兮鴈南飛西風

悽悒兮朝夕臻扇箑屏弃兮絺綌損歸室解裳兮步庭前月光照

懷兮星依天居世兮芳景遷松喬難慕兮誰能仙長短命也兮獨

何怨

蘇文類聚三十五北堂書鈔一百五十四初學記三御覽二十五

感時賦

惟霖雨之永降曠三旬而未晞

文選鮑明遠苦熱行注

洛神賦并序

黃初三年余朝京師還濟洛川古人有言斯水之神名曰宓妃感

宋玉對楚王神女之事，遂作斯賦。其辭曰：

余從京城言歸東藩，背伊闕，越轅轅，經通谷，陵景山。日既西傾，車殆馬煩，爾迺稅駕乎衡皋，秣駟乎芝田。容與乎陽林，流眄乎洛川。于是精移神駭，忽焉思散。俯則未察，仰已殊觀。覩一麗人，于巖之畔。迺援御者而告之曰：爾有覩于彼者乎？彼何人斯？若此之豔也。御者對曰：臣聞河洛之神，名曰宓妃。然則君王所見，無迺是乎？其狀若何？臣願聞之。余告之曰：其形也，翩若驚鴻，婉若遊龍。榮曜秋菊，華茂春松。鬋鬋兮若輕雲之蔽月，飄飄兮若流風之迴雪。遠而望之，皎若太陽升朝霞；迫而察之，灼若芙蕖出淥波。襪纖得衷，脩短合度。肩若削成，腰如約素。延頸秀項，皓質呈露。芳澤無加，鉛華弗御。雲髻鬢，峩峩脩眉聯娟。丹脣外朗，皓齒內鮮。明眸善睐，靨輔承權。瓊姿豔逸，儀靜體閑。柔情綽態，媚于語言。奇服曠世，骨像應圖。披羅衣之璀璨兮，珥璫碧之華瑤。戴金翠之首飾兮，綴明珠以耀軀。



踐遠遊之文履、曳霧縞之輕裾、微幽蘭之芳藹兮、步踟躕于山隅、  
于是忽焉縱體、已逝已嬉、左倚采旄、右蔭桂旗、攘皓腕于神滸兮、  
采湍瀨之玄芝、余情悅其淑美兮、心振蕩而不怡、無良媒已接、懼  
兮、託微波而通辭、願誠素之先達兮、解玉佩已要之、嗟佳人之信  
脩、羌習禮而明詩、抗瓊瑋已和予兮、指潛淵而爲期、執眷眷之款  
實兮、懼斯靈之我欺、感交甫之弃言兮、恨猶豫而狐疑、收和顏而  
靜志兮、申禮防已自持、于是洛靈感焉、徙倚傍徨、神光離合、乍陰  
乍陽、竦輕軀已鶴立、若將飛而未翔、踐椒塗之郁烈、步蘅薄而流  
芳、超長吟已永慕兮、聲哀厲而彌長、爾迺迺眾靈雜遝、命儔嘯侶、或  
戲清流、或翔神渚、或采明珠、或拾翠羽、從南湖之二妃、攜漢濱之  
游女、歎匏瓜之無匹兮、詠牽牛之獨處、揚輕袿之倚靡兮、翳脩袖  
已延佇、體迅飛鳧、飄忽若神、陵波微步、羅襪生塵、動無常則、若危  
若安、進止難期、若往若還、轉眄流精、光潤玉顏、含辭未吐、氣若幽

蘭華容婀娜令我忘餐于是屏翳收風川后靜波馮夷鳴鼓女媧  
 清歌騰文魚已驚乘鳴玉鸞已借逝六龍儼其齊首載雲車之容  
 裔鯨鯢踊而夾轂水禽翔而為衛于是越北沚過南岡紆素領迴  
 清陽動朱脣已徐言陳交接之大綱恨人神之道殊兮怨盛年之  
 莫當抗羅袂已掩涕兮淚流襟之浪浪悼良會之永絕兮哀一逝  
 而異鄉無微情已效愛兮獻江南之明璫雖潛處于太陰長寄心  
 于君王忽不悟其所舍悵神宵而蔽光于是背下陵高足往神甕  
 遺情想像顧望懷愁冀靈體之復形御輕舟而上遡浮長川而忘  
 反思絲絲而增慕夜耿耿而不寐霑繁霜而至曙命僕夫而就駕  
 吾將歸乎東路攬騑轡已抗策悵盤桓而不能去

學記  
十九

洛陽賦

狐貉穴于紫闥兮茅蕝生于禁闈本至尊之攸居口于今之可悲

北堂書鈔一百五十八

遷都賦 并序

余初封平原，轉出臨淄，中命鄆城，遂徙雍丘，改邑浚儀，而末將適

于東阿，號則六易，居實三遷，連遇瘠土，衣食不繼。御覽一百九十八

覽乾元之兆域兮，本人物乎上世，紛混沌而未分，與禽獸乎無別

椽蠶螬而食蔬，撫皮毛以自蔽。文選曹大家東征賦注

靜思賦

夫何美女之嫋妖，紅顏暉而流光，卓特出而無匹，呈才好其莫當

性通暘，曰聰惠，行嫌密而妍詳，蔭高岑，曰翳日，臨深水之清流，秋

風起于中林，離鳥鳴而相求，愁慘慘兮增傷悲，予安能乎淹流。文苑

類聚

懷親賦 并序

齊陽南澤，有先帝故營，遂停馬住駕，造斯賦焉。



獵平原而南驚觀先帝之舊營步壁壘之常制識旌麾之所停存  
官曹之典列心勞勩于生平迴驥首而永逝赴脩塗已尋遠情眷  
眷而顧懷魂須臾而九反

藝文類聚二十  
初學記十七

離思賦

并序

建安十六年大軍西討馬超太子畱監國植時從焉意有懷戀遂  
作離思之賦

在肇秋之嘉月將曜師而西旗余抱疾已賓從扶衡軫而不怡慮  
征期之方至傷無階已告辭念茲君之光惠庶沒命而不疑欲力  
畢于旌麾將何心而遠之願我君之自愛爲皇朝而實已水重深  
而魚悅林脩茂而鳥喜

藝文類聚  
二十一

釋思賦

并序

家弟出養族父郎中伊余已兄弟之愛心有戀然作此賦已贈之  
彼朋友之離別猶求思乎白駒況同生之義絕重背親而爲疏樂

鴛鴦之同池、羨比翼之共林、亮根異其何戚、痛別餘之傷心。類文

二十

立賜賦 并序

夫富者非財也、貴者非寶也、或有輕爵祿而重榮聲者、或有受性命、曰殉功名者、是曰孔老異旨、楊墨殊義、聊作斯賦、名曰立賜。  
夫何希世之大人、鑿天壤而作皇、該仁聖之上、義據神位、曰統方、補五帝之漏目、綴三代之維綱、口口口口口口、日經日際而來王。此  
依文選、顏延年、倂余生之倖祿、造九二之嘉祥、上同契于稷、尚降  
宋郊祀記、歌注補、合穎于伊望、思薦寶曰繼、佩怨和璞之始鑄、思黃鍾曰協、律怨伶、夔之不存、考所圖之莫合、悵蘊結而延佇、志鵬舉曰補天、蹶青雲、而奮羽、舍余駟而改駕、任中才之展御、望前軌而致策、顧後乘而安驅、匪逞邁之短脩、取全真而保素、弘道德而為宇、築無怨曰作藩、播慈惠曰為圃、耕柔順曰為田、不媿景而慙魄、信樂天之何欲。

逸于載而流聲超貫黎而度俗魏文類聚二十六

幽思賦

倚高臺之曲岫處幽僻之閑深望翔雲之悠悠羌朝露而夕陰顧  
秋華之零落感歲暮而傷心觀躍魚于南沼吟鳴鶴乎北林搦素  
筆而慷慨揚大雅之哀吟仰清風曰歎息寄予思于悲絃信有心  
而在遠重登高曰臨川何余心之煩錯魏文類聚二十六

述行賦

尋曲路之南隅觀秦政之驪墳哀踈首之羅毒酷始皇之為君濯  
余身于神井律溫濤之若焚初學記七驪山湯三

述征賦

恨西夏之不綱文選潘岳西征賦注陸機用魏武文注

節遊賦

覽宮宇之顯麗實大人之攸居建三臺于前處飄飛陛曰凌虛連



雲閣日遠、徑營觀榭于城隅、亢高軒日迴眺、緣雲霓而結疏、仰西  
岳之崧岑、臨漳滏之清渠、觀靡靡而無終、何眇眇而難殊、亮靈旨  
之所處、非吾人之所廬、于是仲春之月、百卉叢生、萋萋藹藹、翠葉  
朱莖、竹林青葱、珍果含榮、凱風發而時烏、謹微波動而水蟲鳴、感  
氣運之和潤、樂時澤之有成、遂乃浮素蓋、御驪駟、命友生、攜同儔、  
誦風人之所歎、遂駕言而出遊、步北園而馳鶩、庶翔翔日解憂、望  
洪池之滉漾、遂降集乎輕舟、沈浮蟻于金罍、行觴爵于好仇、絲竹  
發而響厲、悲風激于中流、且容與日盡觀、聊永日而忘愁、嗟羲和  
之奮策、怨曜靈之無光、念人生之不永、若春日之微霜、諒遺名之  
可紀、信天命之無常、愈志蕩日淫遊、非經國之大綱、罷曲宴而旋  
服、遂言歸乎舊房、藝文類聚二十八

感節賦

攜友生而遊觀、盡賓主之所求、登高墉日永望、冀銷日自忘憂、欣

陽春之潛潤、樂時澤之惠休、望候鴈之翔集、想玄鳥之來遊、嗟征夫之長勤、雖處逸而懷愁、懼天河之一迴、沒我身乎長流、豈吾鄉之足顧、戀祖宗之靈巨、惟人生之忽過、若鑿石之未燿、慕牛山之哀泣、懼平仲之我笑、折若華之翳日、庶朱光之長炤、願寄軀于飛蓬、乘陽風而遠飄、亮吾志之不從、乃拊心曰、歎息、青雲鬱其西翔、飛鳥翮而上匿、欲縱體而從之、哀予身之無翼、大風隱其四起、揚黃塵之冥冥、野獸驚曰、求羣、草木紛其揚英、見遊魚之泔潛、感流波之悲聲、內紆曲而潛結、心怛惕曰、中驚、匪榮德之累身、恐年命之早零、慕歸全之明義、庶不忝乎所生、藝文類聚二十八

出婦賦

曰才薄之陋質、奉君子之清塵、承顏色曰接意、恐疏賤而不親、悅新昏而忘妾、哀愛惠之中零、遂摧頰而失望、退幽屏于下庭、痛一旦而見奔、心怛惛曰、悲驚、衣入門之初服、背牀室而出征、攀僕御

而登車左右悲而失聲嗟冤結而無訴乃愁苦曰長窮恨無愆而見弃悼君施之不終

魏文類聚三十

愍志賦 并序

或人有好鄰人之女者時無良媒禮不成焉彼女遂行適人有言之于余者余心感焉乃作賦曰

竊託音于往昔迄來春之不從思同遊而無路情壅隔而靡通哀莫哀于永絕悲莫悲于生離豈良時之難俟痛余質之日虧登高樓目臨下望所歡之攸居去君子之清宇歸小人之蓬廬欲輕飛而從之迫禮防之我拘

魏文類聚三十

歸思賦

背故鄉而遷徂將遙憩乎北濱經平常之舊居感荒壤而莫振城邑寂已空虛草木穢而荆榛嗟喬木之無陰處原野其何為信樂土之足慕忽并日而載馳

魏文類聚三十



慰子賦

彼凡人之相親、小離別而懷戀、況中殤之愛子、乃千秋而不見、入空室而獨倚、對牀帷而切歎、痛人亡而物在、心何忍而復觀、日晚晚而既沒、月代照而舒光、仰列星以至晨、方霑露而含霜、惟逝者之日遠、愴傷心而絕腸、蘇文類聚三十四

慰情賦 序

黃初八年正月、雨而北風飄寒、園果墮冰、枝幹摧折、北堂書鈔一百五十六

寡婦賦

高墳鬱鬱兮巍巍、松柏森兮成行、文選謝靈運廣陵王墓下作詩注

敘愁賦 并序

時家二女弟、故漢皇帝聘、曰為貴人家、母見二弟愁思、故令子作

賦曰

嗟妾身之微薄、信未達乎義方、遭母氏之聖善、奉恩化之彌長、迄

盛年而始立，脩女職于衣裳，承師保之明訓，誦六列之篇章，觀圖  
像之遺形，竊庶幾乎皇英，委微軀于帝室，充末列于椒房，荷印紱  
之令服，非陋才之所望，對床帳而太息，慕二親曰增傷，揚羅袖而  
掩涕，起出戶而彷徨，顧堂宇之舊處，悲一別之異鄉。蘇文類聚  
三十五

九愁賦

嗟離思之難忘，心慘毒而含哀，踐南畿之末境，超引領之徘徊，眷  
浮雲曰太息，願攀登而無階，匪徇榮而愉樂，信舊都之可懷，恨時  
王之謬聽，受姦枉之虛辭，揚天威曰臨下，忽放臣而不疑，登高陵  
而反顧，心懷愁而荒悴，念先寵之既隆，哀後施之不遂，雖危亡之  
不豫，亮無遠之君心，刈桂蘭而秣馬，舍予車于西林，願接翼于歸  
鴻，嗟高飛而莫攀，因流景而寄言，誓一絕而不還，傷時俗之趨險，  
獨惆悵而長愁，感龍鸞而匿跡，如吾身之不畱，竄江介之曠野，獨  
眇眇而汎舟，思孤客之可悲，愍予身之翻翔，豈天監之孔明，將時

運之無常、謂內思而自策、算乃昔之愆、殃曰忠言而見黜、信無負  
于時王、俗參差而不齊、豈毀譽之可同、競昏瞽曰營私、害予身之  
奉公、共朋黨而如賢、俾予濟乎長江、嗟大化之移易、悲性命之攸  
遭、愁慊慊而繼懷、恆慘慘而情挽、曠年載而不迴、長去君乎攸遠、  
御飛龍之蜿蜒、揚翠霓之華旌、絕九霄而高鶩、飄弭節于天庭、披  
輕雲而下觀、覽九土之殊形、顧南郢之邦壤、咸蕪穢而倚傾、驂盤  
桓而思服、仰御驥曰悲鳴、紆予袂而收涕、僕夫感曰失聲、履先王  
之正路、豈淫徑之可遵、知犯君之招咎、恥干媚而求親、顧旋復之  
無軌、長自棄于遐濱、與麋鹿而爲羣、宿林藪之葳蕤、野蕭條而極  
望、曠千里而無人民、生期于必死、何自自苦、曰終身、盜作清水之沈  
泥、不爲濁路之飛塵、踐蹊徑之危阻、登崕嶺之高岑、見失羣之離  
獸、覩偏栖之孤禽、懷憤激曰切痛、若同刃之在心、愁戚戚其無爲、  
遊綠林而逍遙、臨白水曰悲嘯、猿驚聽而失條、亮無怨而棄逐、乃



余行之所招蘇文類聚三十五

悲命賦

哀魂靈之飛揚文選別賦注

潛志賦

潛大道曰遊志希往昔之遐烈矯貞亮曰作矢當苑囿乎呈甄顯

仁義曰為禽必信忠而後發退隱身曰滅迹惟出世而取容且摧

剛而和謀接處蕭曰靜恭亮知榮而守辱匪天路曰為通蘇文類聚三十

六

藉田賦

大凡人之為圃各植其所好焉好甘者植平薺好苦者植平茶好

香者植平蘭好辛者植平蓼至于寡人之圃無不植也御覽八百

名王親枉千乘之體于隴畝之中執鉏耒于畦町之側尊趾勤干

耒相玉手勞于耕耘書鈔九十一引三條

感婚賦

陽氣動兮淑清，百卉鬱兮含英。春風起兮蕭條，熱蟲出兮悲鳴。顧  
 有懷兮妖人，用搔首兮屏營。澄清臺已蕩志，狀高軒而遊情。悲良  
 媒之不顧，懼歡媾之不成。慨仰首而歎息，風飄飄已動纓。蘇文類  
 聚四十一

娛賓賦

感夏日之炎景兮，游曲觀之清涼。遂衍賓而高會兮，丹帷階已四  
 張。辨中廚之豐膳兮，作齊鄭之妍倡。文人聘其妙說兮，飛輕翰而  
 成章。談在昔之清風兮，總賢聖之紀綱。欣公子之高義兮，得芬芳  
 其若蘭。揚仁恩于白屋兮，踰周公之弃餐。聽仁風而忘憂兮，美酒  
 清而肴乾。初學記十  
 人十四

東征賦

并序

建安十九年，王師東征吳寇。余典禁兵，衛宮省。然神武一舉，東夷  
 必克。想見振旅之盛，故作賦一篇。

登城隅之飛觀兮，望六師之所營。幟旗轉而心思兮，舟楫動而傷精。顧身微而任顯兮，愧責重而命輕。嗟我愁其何爲兮，心遙思而縣旌。師旅憑皇穹之靈祐兮，亮元勳之必舉。揮朱旗以東指兮，橫大江而莫御。循戈櫓于清流，汎雲梯而容與。禽元帥于中舟，振靈威于東野。

藝文類聚五十九  
御覽三百三十六

登臺賦

從明后而嬉游兮，登層臺以娛情。見太府之廣開兮，觀聖德之所營。建高門之嵯峨兮，浮雙闕乎太清。立中天之華觀兮，連飛閣乎西城。臨漳水之長流兮，望園果之滋榮。仰春風之和穆兮，聽百鳥之悲鳴。天雲垣其既立兮，家願得而獲逞。揚仁化于宇內兮，盡肅恭于上京。惟桓文之爲盛兮，豈足方乎聖明。休矣美矣，惠澤遠揚。翼佐我皇家兮，寧彼四方。同天地之規量兮，齊日月之暉光。永貴尊而無極兮，等年壽于東王。云云。

魏志陳思王植傳注引徐澄魏紀又見藝文類聚六十二初學



記二  
十四

遊觀賦

靜閑居而無事、將遊目、自娛登北觀而啟路、涉雲路之飛除、從  
熊羆之武士、荷長戟而先驅、罷若雲歸、會如霧聚、車不及迴、塵不  
獲舉、奮袂成風、揮汗如雨。藝文類聚  
六十三

臨觀賦

登高墉兮望四澤、臨長流兮送遠客、春風暘兮氣通靈、草含幹兮  
木交莖、巨陵窟兮松柏青、南園夔兮果戴榮、樂時物之逸豫、悲予  
志之長違、歎東山曰遡勤、歌式微曰詠歸、進無路曰効公、退無隱  
曰營私、俯無鱗曰遊遁、仰無翼曰翻飛。藝文類聚  
六十三

閑居賦

何吾人而介特、去朋匹而無儔、出塵時曰娛志、入無樂曰銷憂、何  
歲月之若鶩、復民生之無常、感陽春之發節、聊輕駕而遠翔、登高

丘曰延企時薄暮而起于仰歸雲曰載奔過蘭蕙之長圃冀芬芳  
之可服結春衡曰延佇入虛廓之閑館步生風之廣廡踐密邇之  
脩除卽蔽景之玄宇翊鳥翔于南枝玄鶴鳴于北野青魚躍于東  
沼白鳥戲于西渚遂乃背通谷對綠波藉文茵騎春華丹轂更馳  
羽騎相過蘇文類聚六十四

愬寒風而開襟文選潘岳西征賦注又沈約遊沈道士館詩注

願同衾于寒女文選郭泰答傅咸詩注

賜進士出身三品銜廣東等處提刑按察使司按察使兼管驛傳事務黃岡王毓藻校刊



全三國文卷十四

烏程嚴可均校輯

魏十四

陳王植

寶刀賦

并序

建安中、家父魏王、乃命有司造寶刀五枚、三年乃就、曰龍虎熊馬、雀爲識、太子得一、余及余弟饒陽侯各得一焉、其餘二枚、家王自仗之、賦曰

有皇漢之明后、思潛達而玄通、飛文藻、曰博致揚武備、曰禦凶、乃熾火炎爐、融鐵挺英、烏獲奮椎、歐冶是營、扇景風、曰激氣、飛光鑑、于天庭、爰告祠于太乙、乃感夢而通靈、然後礪、曰五方之石、鑿、曰中黃之壤、規圓景、曰定環、攄神思而造像、垂華紛之葳蕤、流翠采之晃燿、陸斬犀革、水斷龍舟、輕擊浮截、刃不斲流、踰南越之巨闕、

超西楚之太阿，實真人之攸御。永天祿而是荷。

初學記二十二藝文類聚六十御覽

三百四

十六

九華扇賦

并序

昔吾先君常侍得幸，漢桓帝帝賜尚方竹扇，不方不圓，其中結成文，名曰九華。故爲此賦，其辭曰：

有神區之名竹，生不周之高岑。對淥水之素波，背玄澗之重溪。體虛曠，曰立幹，播翠葉，曰成陰。形五離而九折，篔簹解而縷分。效虬龍之蜿蜒，法虹蜺之烟熅。攄微妙，曰歷時，結九層之華文。爾乃浸曰芷若，拂曰江蘼。搖曰五香，濯曰蘭池。因形致好，不常厥儀。方不應矩，圓不中規。隨皎腕，曰徐轉，發惠風之微寒。時氣清，曰芳厲，紛飄動乎綺紈。

藝文類聚六十九書鈔一百三十四御覽七百二

扇賦

情駘蕩而外得心悅，豫而內安。增吳氏之姣好，發西子之玉顏。

初學

記十九御覽

三百八十一

酒賦 并序

余覽揚雄酒賦辭甚瑰瑋頗戲而不雅聊作酒賦粗究其終始

嘉儀氏之造思亮茲美之獨珍嗟翔鸞之殊味□□□□□□仰

酒旗之景曜協書鈔嘉號于天辰繆公酣而興霸漢祖醉而蛇分

穆生失醴而辭楚侯嬴感爵而輕身諒于鍾之可慕何百觚之足

云其味亮升當有人載休名宜城書鈔醪醴蒼梧縹清或秋藏冬

發或春醞夏成或雲拂川涌或素蟻如萍爾乃王孫公子游俠翺

翔將承歡日接意會陵雲之朱堂獻酬交錯宴笑無方于是飲者

竝醉從橫謹譁或揚袂屢舞或扣劍清歌或顰蹙辭觴或奮爵橫

飛或歎驪駒既駕或稱朝露未晞于斯時也質者或文剛者或仁

早者忘賤窶者忘貧和暉眦之宿憾雖怨讎其必親于是矯俗先

生聞之而歎曰噫夫言何容易此乃淫荒之源非作者之事若耽



于觴酌流情縱佚先生所禁君子所斥藝文類聚七十二又書鈔一百四十八引五條

車渠椀賦

惟斯椀之所生于涼風之峻澗采金光曰定色擬朝陽而發輝豐  
玄素之煒燁帶朱榮之葳蕤緼絲綸曰肆采藻繁布曰相追翩翩  
飄而浮景若驚鵠之雙飛隱神璞于西野彌百葉而莫希于時乃  
有明篤神后廣彼仁聲夷慕義而重使獻茲寶于斯庭命公輸使  
制匠窮妍麗之殊形華色燦爛文若點成鬱荔雲蒸蜿蜓龍征光  
如激電影若浮星何神怪之巨偉信一覽而九驚雖離朱之聰目  
由炫耀而失精何明麗之可悅起羣賢而特章俟君子之閑宴酌  
甘醴于斯觴既娛情而可貴故求御而不忘藝文類聚七十  
三御覽人百八

迷迭香賦

播西都之麗草兮應青春而發暉流翠葉于纖柯兮結微根于丹  
墀信繁華之速實兮弗見彫于嚴霜芳暮秋之幽蘭兮麗崑崙之

芝英既經時而收采兮，遂幽殺日增芳。去枝葉而特御兮，入綃殺之霧棠。附玉體日行止兮，順微風而舒光。

藝文類聚八十一

### 芙蓉賦

覽百卉之英茂，無斯華之獨靈。結修根于重壤，泛清流日擢莖。退

潤王宇，進文帝廷。

二語從文選劉休

竦芳柯日從風奮，纖枝之綽

綽。

二語從初學記補一本作羅琛

其始榮也，噉若夜光尋扶木，其揚暉也，晃若九

日出陽谷，芙蓉鸞翔，齒蒼星屬，絲條垂珠，丹莖加綠，焜焜爛爛。

若龍燭，觀者終朝，情猶未足，于是姣童媛女，相與同游，擢素手于

羅袖，接紅葩于中流。

藝文類聚八十二初學記二十七御覽九百九十九

### 橘賦

有朱橘之珍樹，于鶉火之遐鄉。稟太陽之烈氣，嘉杲日之休光。體天然之素分，不遷徙于殊方。播萬里而遙植，列銅爵之園庭。背江洲之暖氣，處玄朔之肅清。邦換壤殊，爰用喪生。處彼不凋，在此先





不傷承邈邈之僥倖兮，得接翼于鸞皇。同毛衣之氣類兮，信休息而同行。痛良會之中絕兮，造嚴災而逢殃。共太息而祇懼兮，抑吞聲而不揚。傷本規之違忤，悵離羣而獨處。恆竄伏以窮栖，獨哀鳴而戢羽。冀大綱之解結，得奮翅而遠遊。聆雅琴之清韻，記六翮之末流。藝文類聚九十  
初學記三十

鵠賦

鵠之爲禽，猛氣其關。終無勝負，期必于死。遂賦之焉。

美遐圻之偉鳥，生太行之巖阻。體貞剛之烈性，亮金德之所輔。戴毛角之雙立，揚玄黃之勁羽。甘沈殞而重辱，有節俠之義矩。降居檀澤，高處保岑。遊不同嶺，栖必異林。若有翻雄，駭逝孤雌。驚翔則長鳴挑敵，鼓翼專場。踰高越壑，雙戰隻僵。階侍斯珥，俯曜文輝。成武官之首飾，增庭燎之高暉。藝文類  
聚九十

鸚鵡賦

美洲中之令鳥超眾類之殊名感陽和而振翼遁太陰已存形遇  
旅人之嚴網殊六翮而無遺身挂滯于重縶孤雌鳴而獨歸豈余  
身之足惜憐眾雛之未飛分麋廬已潤鑊何全濟之敢希蒙含育  
之厚德奉君子之光輝怨身輕而施重恐往惠之中虧常鼓心已  
懷懼雖處安其若危永哀鳴已報德庶終來而不疲

藝文類聚九  
十一初學記

十三  
離繳雁賦 并序

余遊于玄武陂有雁離繳不能復飛願命舟人追而得之故憐而  
賦焉

憐孤雁之偏特兮情憫焉而內傷尋淑類之殊異兮稟上天之休  
祥含中和之純氣兮赴四節而征行遠玄冬于南裔兮避炎夏乎  
朔方白露淒已飛揚兮秋風發乎西商感節運之復至今假魏道  
而翱翔接羽翮已南北兮情逸豫而永康望范氏之發機兮播織

繳日凌雲挂微軀之輕翼兮忽續落而離羣旅朋驚而鳴逝兮徒  
矯首而莫聞甘充君之下廚膏函牛之鼎饌蒙生全之顧復何恩  
施之降博于是縱軀歸命無慮無求飢食梁稻渴飲清流聚流

一初學  
記三十

射雉賦

暮春之月宿麥盈野野雉羣雉初學  
記三

鷄雀賦

鷄欲取雀雀自言微賤身體些小肌肉瘠瘦所得蓋少君欲相噉  
實不足飽鷄得雀言初不敢語頃來轉訶資糧乏旅三日不食略  
思死鼠今日相得盍復置汝雀得鷄言意甚怔營性命至重雀鼠  
貪生君得一食我命隕傾皇天降鑒賢者是聽鷄得雀言意甚沮  
惋當死弊雀頭如果蒜不早首服捩頸大喚行人聞之莫不往觀  
雀得鷄言意甚不移依一聚樹聚樹多刺二句從目如擊椒跳躍



二翅我雖當死略無可避鶴乃置雀良久方去二雀相逢似是公  
媿相將人草共上一樹仍共木末辛苦相語向者近出爲鶴所捕  
賴我翻捷體素便附說我辨語千條萬句欺恐會長令兒大怖我  
之得免復勝于兔自今徒意莫復相妒蘇文類聚九十一御覽九  
百二十六又九百六十五

言雀者但食牛矢中豆馬矢中粟

御覽八百四十一

神龜賦 并序

龜號千歲時有遺余龜者數日而死肌肉消盡唯甲存焉余感而  
賦之曰

嘉四靈之建德各潛位乎一方蒼龍虬于東岳白虎嘯于西岡玄  
武集于寒門朱雀棲于南鄉順仁風曰消息應聖時而後翔嗟神  
龜之奇物體乾坤之自然下夷方曰則地上規隆而法天順陰陽  
曰呼吸藏景曜于重泉食飛塵曰膏氣飲不竭于朝露步容趾曰  
俯仰時驚回曰鶴顧忽萬載而不恤周无疆于太素感白靈之翔

翦卒不免乎像、且雖見珍于宗廟、離剝剝之重辜、欲愬怨于上帝、將等愧乎游魚、懼沈泥之逢殆、赴芳蓮、曰巢居、安玄雲、而好靜、不汪翔而改度、昔嚴州之抗節、援斯靈、而記喻、嗟祿運之屯蹇、發遇獲于江濱、歸籠檻、曰幽處、遭諄美之仁人、晝顧瞻而終日、夕撫順、曰接晨、遭淫災、曰隕越、命勦絕而不振、天道昧而未分、神明幽而難燭、黃氏沒于空澤、松喬化于株木、虺折鱗于平皋、龍蛻骨于深谷、亮物類之遷化、疑斯靈之解殼、藝文類聚九十六初學記三十

蟬賦

唯夫蟬之清素兮、潛厥類于太陰、在焱陽之仲夏兮、始遊豫乎芳林、實澹泊而寡欲兮、獨怡樂而長吟、聲噉噉而彌厲兮、似貞士之介心、內含和而弗食兮、與眾物而無求、棲喬枝而仰首兮、漱朝露之清流、隱柔桑之稠葉兮、快啁號曰遁暑、苦黃雀之作害兮、患蟬螂之勁斧、飄高翔而遠托兮、毒蜘蛛之網罟、欲降身而卑竄兮、懼

草蟲之襲予，免眾難而弗獲。今遙遷集乎宮宇，依名果之茂陰。兮  
托修幹以靜處，有翩翩之狡童。兮步容與于園圃，體離朱之聰視。  
兮姿才捷于獼猿，條罔葉而不挽。兮樹無榦而不緣，翳輕驅而奮  
進。兮跪側足以自閑，恐余身之驚駭。兮精曾皖而目連，持柔竿之  
冉冉。兮運微黏而我纏，欲翻飛而逾滯。兮知性命之長捐，委厥體  
于膳夫。躡炎炭而就燔，秋霜紛以宵下。晨風冽其過庭，氣憊怛而  
薄軀。足攀木而失莖，吟嘶啞以沮敗。狀枯槁以喪形，亂曰：詩歎鳴  
蜩，聲嘒嘒兮。盛陽則來，太陰逝兮。皓皓貞素，侔夷節兮。帝臣是戴，  
尚其潔兮。蘇文類聚九十七  
徐本初學記三十

蝙蝠賦

吁何姦氣生茲，蝙蝠形殊性詭。每變常式，行不由足。飛不假翼，明  
伏暗動。盡偁鼠形，謂鳥不偁。二足爲毛，飛而含齒。巢不哺穀，空不  
乳于。不容毛羣，斥逐羽族。下不蹈陸，上不馮木。蘇文類聚九十七



九詠

芙蓉車兮桂衡結萍蓋兮翠旌四蒼虬兮翼轂駕陵魚兮驂鯨因

薦兮芷席蕙幃兮荃牀本一作荃牀依御覽抗南箕兮簸瓊藥挹天

河兮滌玉觴靈既降兮泊靜默登文階兮坐紫房服春榮兮猗靡

雲裾繞兮容裔冠北辰兮岌鞅帶冕虹兮陵厲蘭肴御兮玉俎陳

雅音奏兮文虞羅感濯漢兮美遊女揚激楚兮詠湘娥臨北堂書

五十五迴風兮浮漢清目牽牛兮眺織女交有際兮會有期嗟痛

吾兮來不時來無見兮進無聞泣下雨兮歎成雲先后悔其靡及

冀後王之一寤猶擗轡而繁策馳覆車之危路羣乘舟而無楫將

何川而能渡何世俗之蒙昧悼邦國之未靜任椒蘭其望治由倒

裳而求領尋湘漢之長流採芳岸之靈芝遇游女子水裔採菱蒹

而結辭御覽九百七十五野蕭條兮極望曠千里兮無人民生期

于必死何自苦已終身盜作清水之汗泥不為濁路之飛塵類聚

序書作原

五十六 案末六

語與九愁賦同

停舟兮焉待舉帆兮安追北堂書鈔一百三十八

運蘭摧日速往口回波之容與同上

過口穴兮清冷木鳴條兮動心北堂書鈔一百五十八

踐丹穴兮觀鸞居通朱爵兮息南巢同上

葛蔓滋兮冒神宇文選潘岳寡婦賦注又沈約學省愁臥詩注作葛蔓

徒勤躬兮苦心文選甄陀寺碑注

溫風翕兮煎沙石鳥罔竄兮獸無蹠御覽三十四

乘逸嚮兮執電鞭忽而往兮悅而旋御覽三百五十九

越江兮刈蘭暮秋兮薄寒被篋兮戴笠置露兮踐歌御覽七百六十五

牽牛爲夫織女爲婦織女牽牛之星各處一列七月七日得一會

同矣文選魏文帝燕歌行注引曹植九詠注

何孤客之可悲文選謝靈運七里湖詩注

皇祇降兮潛靈舞

文選顏延年三月三日曲水詩序注

造逝

哀秋氣之可悲兮涼風蕭其嚴厲神龍盤于重泉兮騰蛇蟄于幽

穴

北堂書鈔一百五十八

寫灌均上事令

孤前令寫灌均所上孤章三臺九府所奏事及詔書一通置之座

隅孤欲朝夕諷詠目自警誡

御覽五百九十三

毀鄧城故殿令

令鄧城有故殿名漢武帝殿昔武帝好遊行或所幸處也梁棟傾

頓棟宇零落脩之不成良宅置之終于毀壞故頗撤取目備宮舍

余時獲疾望風乘虛卒得恍惚數日後廖而醫巫妄說目為武帝

魂神生茲疾病此小人之無知愚惑之甚者也昔湯之隆也則夏

館無餘跡武之興也則殷臺無遺基周之亡也則伊洛無隻椽秦



之滅也則阿房無尺椽

文選頌延之北使洛詩注引漢道衰則建此二語作尺椽蓋誤涉上句

章撤靈帝崩則兩宮燬高祖之魂不能口未央孝明之神不能救

德陽天子之存也必居名邦口土則死有知亦當逍遙于華都雷

神于舊室則甘泉通天之臺雲陽九層之閣足曰綏神育靈夫何

戀于下縣而居靈于朽宅哉曰生論死則不然也況于死者之無

知乎且聖帝明王顧宮闕之泰苑囿之侈有妨于時者或省曰惠

人況漢氏絕業大魏龍興隻人尺土非復漢有是曰咸陽則魏之

西都伊洛為魏之東京故夷朱雀而樹閭闔平德陽而建泰極況

下縣腐殿為狐狸之窟藏者乎今將撤壞曰修殿舍恐無知之人

坐自生疑故為此令亦足曰反感而解迷焉

許敬宗劉伯莊等文館詞林六百九十五

賞罰令

文館詞林題如此其文類聚作黃初五年令

令夫遠不可知者天也近不可知者人也傳曰知人則哲堯猶病

諸諺曰人心不同若其面焉唯女子與小人為難養也近之則不

遜遠之則怨詩云憂心悄悄慍于羣小自世間人或受寵而肯恩  
或無故而人叛違顧左右曠然無信夫嚼者咋斷其舌右手執斧  
左手執鉞傷夷一身之中尚有不可信況于人乎唯無深瑕潛覺  
隱過匿愆乃可已爲人君上行刀鋸于左右耳前後無其人也諺  
曰穀千鷲馬不如養一驥又曰穀鷲馬養虎犬無益也乃知韓昭  
侯之藏弊袴良有已也役使臣有三品有可已仁義化者有可已  
恩惠驅者此二者不足已導之則當已刑罰使之刑罰復不足已  
率之則明聖所不能畜故堯舜至聖不能容無益之子湯武至聖  
不能養無益之臣九折臂知爲良醫吾知所已待下矣諸吏各敬  
爾位孤推一槩之平功之宜賞于疏必與罪之宜戮在親不赦此  
令之行有若暎日於戲羣司其覽之哉

自誠令

藝文類聚作  
黃初六年令

令吾昔已信人之心無忌于左右深爲東郡太守王機防輔吏倉



輯等任所誣白獲罪聖朝身輕于鴻毛而謫重于太山賴蒙帝主  
天地之仁違百寮之典議赦三千之首戾反我舊居襲我初服雲  
雨之施焉有量哉反旋在國捷門退掃形影相守出入二載機等  
吹毛求瑕千端萬緒然終無可言者及到雍又爲監官所舉亦曰  
紛若干今復三年矣然卒歸不能有病于孤者信心足曰貫于神  
明也昔雄渠李廣武發石開鄒子囚燕中夏霜下杞妻哭梁山爲  
之崩固精誠可曰動天地金石何況于人乎今皇帝遙過鄙國曠  
然大赦與孤更始欣笑和樂曰歡孤隕涕咨嗟曰悼孤豐賜光厚  
誓重千金損乘輿之副竭中黃之府名馬充廄驅牛塞路孤曰何  
德而當斯惠孤曰何功而納斯貺富而不吝寵至不驕者則周公  
其人也孤小人爾深更曰榮爲感何者將恐簡易之尤出于細微  
脫爾之愆一朝復露也故欲循吾往業守吾初志欲使皇帝恩在  
攀天使孤心常存入地將曰全陛下厚德究孤犬馬之年此難能



也然孤固欲行眾人之所難詩曰德輶如毛人鮮克舉之此之謂也故爲此令著于宮門欲使左右共觀志焉

文館詞林六百九十五又略見藝文類聚

合

諺云相門有相將門有將夫相者文德昭將者武功烈

文選陸機

又劉琨答盧諶詩注御覽四百九十六案本傳陳蕃舉疏亦有此數語

賜進士出身二品銜廣東等處提刑按察使同按察使兼管驛傳事務黃岡王毓藻校刊